



Ársskýrsla Fjölbrautaskóla Vesturlands 2015

1. Stærð skóla: Húsnæði, fjöldi starfsmanna og nemenda, brautskráðir nemendur

Húsnæðið sem skólinn starfar í er rúmlega 7.330 fermetrar auk rúmlega 1.250 fermetra heimavistar. (Sjá nánar um húsnæði skólans í rammanum hér að neðan til hægri.)

Kennarar voru 45 talsins á haustönn 2015 að skólameistara og aðstoðarskólameistara meðtöldum. Þessir 46 kennarar voru í samtals 41 stöðugildi. Af kennurunum voru 6 í hlutastarfi. Í fullu starfi voru 40, þar af var einn í námsorlofi.

Kennarahópurinn er nokkuð fullorðinn. Taflan sýnir skiptingu hópsins eftir aldri og kyni.

Aldur í árum	Í fullu starfi		Í hlutastarfi	
	Karlar	Konur	Karlar	Konur
20	1	0	0	0
30 - 39	1	1	1	2
40 - 49	1	5	1	1
50 - 59	9	10	0	1
60 - 69	8	3	1	0

Allir kennarar nema einn í fullu starfi voru með kennsluréttindi og menntun í kennslugreinum. Taflan sýnir yfirlit yfir formlega menntun þeirra.

Menntun	Í fullu starfi		Í hlutastarfi	
	Karlar	Konur	Karlar	Konur
MA/MS/PhD+UK	4	6		3
BA/BS+UK	8	13	2	1
Iðneistari+UK	7	0	1	0
Sveinspróf	1			

Starfsmenn aðrir en kennarar voru 17. Af þessum 17 starfsmönnum voru 9 í fullu starfi og 3 til viðbótar í meira en hálfu starfi.

Ársmemendur samkvæmt fjárlögum fyrir 2014 og 2015 eru 483. Á árinu 2015 skilaði skólinn 450 ársnemendum.

Húsnæði Fjölbrautaskóla Vesturlands

Aðalbygging skólans við Vogabraut 5

Kennslustofur	2.189,43	m ²
Trésmíðaverkstæði	440,20	m ²
Skrifstofur, kennarastofa	635,99	m ²
Salur	449,70	m ²
Mötuneyti	106,45	m ²
Bókasafn	237,73	m ²
Tölvuver hjá bókasafni	84,60	m ²
Þakrými, loftræstirými	660,63	m ²
Önnur svæði	1.532,47	m ²
Samtals	6.337,20	m²

Málmiðnahús við Vogabraut 5

Kennslustofur	315,20	m ²
Málsmíða og vélaverkstæði	487,54	m ²
Önnur svæði	189,24	m ²
Samtals	991,98	m²

Heimavistarhús við Vogabraut 4

Íbúð vistarstjóra	74,85	m ²
Herbergi nemenda	828,80	m ²
Þakrými, loftræstirými	122,55	m ²
Önnur svæði	227,90	m ²
Samtals	1.254,10	m²

Heildarstærð alls húsnæðis er 8.583,28 m²



FJÖLBRAUTASKÓLI
VESTURLANDS

Brautskráningarathöfn á vorönn 2015 var 23. maí. Þá voru 56 nemendur brautskráðir frá skólanum. Þar af höfðu 25 lokið stúdentsprófi, 1 lokið ársnámi sem skiptinemi, 19 lokið burtfararprófi af iðnbraut, 3 lokið burtfararprófi af starfsbraut, 5 lokið burtfararprófi af sjúkraliðabraut og 3 bæði lokið stúdentsprófi og burtfararprófi af iðnbraut.

Brautskráningarathöfn á haustönn 2015 var 19. desember. Þá voru brautskráðir 60 nemendur. Þar af höfðu 46 lokið stúdentsprófi og 11 lokið burtfararprófi af iðnbraut, 1 lokið bæði burtfararprófi af sjúkraliðabraut og stúdentsprófi og 2 lokið bæði stúdentsprófi og burtfararprófi af iðnbraut.

Á árinu 2015 voru alls 116 nemendur brautskráðir frá skólanum.

Um miðjan október 2015 voru 542 nemendur í skólanum og voru nokkuð færri en voru í skólanum haustönn 2014. Þeir skiptust á brautir sem hér segir:

Almenn braut - fornám	AF	6 = 1%
Almenn braut - undirbúningsnám	AU	14 = 3%
Brautabré	BB	27 = 5%
Almennt nám alls		47 = 9%
Félagsfræðabraut	FÉ	108 = 20%
Félagsfræðabraut (3. ára braut)	FÉL	14 = 3%
Málabraut	MB	15 = 3%
Náttúrufræðibraut	NÁ	78 = 14%
Náttúrufræðibraut (3. ára braut)	NÁT	39 = 7%
Opin stúdentsbraut (3. ára braut)	OS	24 = 4%
Viðbótarnám til stúdentsprófs	VSS	9 = 2%
Stúdentsnám alls		287 = 53%
Grunnnám rafiðna	GR	44 = 8%
Grunnnám bygginga- og mannvirkjagreina	GBM	23 = 4%
Námsbraut í rafvirkjun	RK8	9 = 2%
Almennt tækninám	AT	7 = 1%
Námsbraut í húsasmíði	HÚ8	18 = 3%
Grunnnám málmiðna	MG	40 = 8%
Námsbraut vélavirkjun	VS8	12 = 2%
Iðnnám alls		153 = 28%
Starfsbraut	ST4	17 = 3%
Starfsbraut alls		17 = 3%
Sjúkraliðabraut	SJ	31 = 6%
Viðskiptabraut	VI	2 = 0%
Ótilgreint nám	ÓTN	5 = 1%
Aðrar brautir alls		38 = 7%



FJÖLBRAUTASKÓLI
VESTURLANDS

Í hópi nemenda á haustönn 2015 voru karlar/piltar 321 en konur/stúlkur 221. Um 82% nemenda voru frá Akranesi og úr Hvalfjarðarsveit og um 18% annars staðar að. Töflurnar sýna hvernig nemendur skiptust eftir búsetu og aldri bæði á vorönn og haustönn 2015.

Lögheimili	Vorönn 2015	Haustönn 2015
Akranes	72%	76%
Hvalfjarðarsveit	6%	5%
Borgarbyggð	10%	9%
Aðrir staðir á Vesturlandi	3%	3%
Utan Vesturlands	9%	7%

Fæðingarár	Vorönn 2015	Haustönn 2015
1999		21%
1998	22%	19%
1997	21%	18%
1996	18%	15%
1995	13%	8%
Fyrir 1995	26%	19%

2. Námsframboð á árinu 2015

Á vorönn 2015 var námsframboð eftirfarandi:

Almennt nám: Almenn braut - fornám (AF), Almenn braut - heilbrigðisnám (AH), Almenn braut - undirbúningsnám (AU), Almenn braut - viðskiptanám (AV).

Nám til stúdentsprófs: Félagsfræðabraut (FÉ), Málabraut (MB), Náttúrufræðibraut (NÁ), Viðskipta- og hagfræðibraut (VH), Viðbótarnám til stúdentsprófs (VSS).

Iðnnám: Grunnám rafiðna (GR), Námsbraut í rafvirkjun (RK8), Almenn tækninám (AT), Grunnám bygginga- og mannvirkjagreina (GBM), Námsbraut í húsasmíði (HÚ8), Grunnám málmiðna (MG), Námsbraut í vélvirkjun (VS8).

Starfstengt nám annað en iðnnám: Sjúkraliðabraut (SJ), Viðskiptabraut (VI).

Nám fyrir fatlaða: Starfsbraut (ST4).

Nám fyrir þá sem ekki ætla að ljúka námsbraut við skólann: Ótilgreint nám (ÓTN).

Á haustönn 2015 var námsframboð eftirfarandi:

Á haustönn 2015 var innritað í fyrsta skipti á þriggja ára stúdentsbrautir.

Almennt nám: Brautabré (BB)

Nám til stúdentsprófs: Félagsfræðabraut (FÉL), Náttúrufræðabraut (NÁT), Opin stúdentsbraut (OS), Viðbótanám til stúdentsprófs (VSS)

Iðnnám: Grunnám rafiðna (GR), Námsbraut í rafvirkjun (RK8), Grunndeild bíliðngreina (GM), Grunnám bygginga- og mannvirkjagreina (GBM), Námsbraut í húsasmíði (HÚ8), Námsbraut í húsgagnasmíði (HS8), Grunnám málmiðna (MG), Námsbraut í vélvirkjun (VS8).

Starfstengt nám annað en iðnnám: Sjúkraliðabraut (SJ).

Nám fyrir fatlaða: Starfsbraut (ST4).

Nám fyrir þá sem ekki ætla að ljúka námsbraut við skólann: Ótilgreint nám (ÓTN).



FJÖLBRAUTASKÓLI
VESTURLANDS

Í kafla eitt kemur fram hvernig nemendur skiptust á námsbrautir. Námsframboð á árinu 2015 var miðað við ungt fólk sem mætir í skóla á dagvinnutíma nema á sjúkraliðabraut þar sem kennsla var sniðin að þörfum fullorðinna sem stunduðu nám með vinnu. Á málmiðnabrautum (MG og VS8) og í húsasmíði (GBM og HÚ8) var bæði boðið upp á kennslu á dagvinnutíma og utan hans fyrir fullorðna nemendur sem stunda nám með vinnu.



3. Framkvæmd markmiða

Á árinu 2015 var unnið eftir skólasamningi sem skólameistari Fjölbrautaskóla Vesturlands og mennta- og menningarmálaráðherra undirrituðu í apríl 2015. Í þeim skólasamningi voru sett markmið fyrir árin 2015 til 2019. Hér á eftir eru þessi markmið talin upp (skáletruð) og gerð grein fyrir að hve miklu leyti þau hafa náðst miðað við árslok 2015.

1. Efla enn frekar tengsl við fyrirtæki og sveitarstjórnir á svæði skólans og stofnanir sem sveitarfélög reka.

- a) *Treysta, í samvinnu við sveitarstjórnir, samráðsvettvang við iðnfyrirtæki á svæðinu. Kynna starfsgreinar og einstök fyrirtæki árið 2015. Einstakar starfsgreinar og fyrirtæki verða með aðstöðu til kynningar, taka á móti nemum og kynna þeim kosti og möguleika við að starfa í viðkomandi starfsgrein eða fyrirtæki. Undirbúningur fyrir Tæknimessu, í samstarfi við Samtök iðnaðarins, Símenntunarmiðstöð Vesturlands og Samtök sveitarfélaga á Vesturlandi, hófst á haustönn 2015.*
- b) *Áframhaldandi þátttaka í viðbótar- og endurmenntun starfsmanna í fyrirtækjum og stofnunum á svæði skólans. Slíkt framboð menntunar verði ákveðið í upphafi hverrar annar. Skólinn er þátttakandi í starfsemi Stóriðjuskóla Norðurlágs og hefur verið frá 2012. Námsframboð og kennslufyrirkomulag er ljóst við upphaf hverrar annar. Umræður eru hafnar um stóriðjuskóla fyrir fleiri fyrirtæki á Grundatangasvæðinu.*
- c) *Vinna að því að tengja kennslu á skólaárinu 2015-2016 við starf Fab-Lab. Verið er að vinna að hugmyndum að breyttri aðkomu skólans að Fab-Lab í samstarfi við Akraneskaupstað, Norðurlág og Nýsköpunarmiðstöð Íslands.*
- d) *Bjóða upp á valáfanga haust 2015 þar sem áherslan verður á sköpun nemenda tengdri vinnu í Fab-Lab smiðjunni. Á haustönn 2015 var kenndur sérstakur áfangi í tengslum við Fab-Lab.*
- e) *Hafa samstarf við Íþróttabandalag Akraness og Akraneskaupstað varðandi afrekssvið íþróttanna við skólann og Tónlistarskóla Akraness varðandi listasvið á bóknámsbraut. Á haustönn 2015 hófu rúmlega 50 nemendur nám á afrekssviði FVA. Skólinn er í öflug samstarfi við Íþróttabandalag Akraness og Akraneskaupstað varðandi nám og rekstur sviðsins. Á haustönn 2015 var í boði Opin stúdentsbraut þar sem hægt var að velja listnáms svið með áherslu á tónlist í samstarfi við Tónlistarskóla Akraness. Þar geta nemendur lokið stúdentsprófi og framhaldsprófi í tónlist samhliða.*

2. Þróa skólanámskrá í samræmi við aðalnámskrá frá 2011.

- a) *Útfæra stefnu og markmið sem falla undir grunnþætti menntunar. Unnið verður markvisst að því að flétta einn grunnþátt á hverri önn inn í allt skólastarf. Á árinu voru grunnildir fyrir námsbrautir unnin og endurskoðuð í skólanámskrá.*
- b) *Fullvinna nýjar bóknámsbrautir í samræmi við aðalnámskrá frá 2011 fyrir árslok 2015. Á árinu 2015 voru nýjar bóknámsbrautir unnar og voru samþykktar af Menntamálastofnunar í ársbyrjun 2016.*
- c) *Vinna að því að móta mælikvarða til að meta framkvæmd á stefnu og markmiðum skólans í skólanámskrá. Stefnt er að því að þeirri vinnu verði lokið á haustönn 2016.*



FJÖLBRAUTASKÓLI
VESTURLANDS

Sett hefur við á fót gæðaráð innan skólans sem vinnur nú að verklagsreglum, starfslýsingum, vinnulýsingum og fleiru í gæðahandbók skólans.

3. Tengja sjálfsmatskerfi skólans við markmið sem falla undir grunnþætti menntunar og önnur markmið og mælikvarða sem getið er um í skólanámskrá. Þessari vinnu verður lokið á vorönn 2016.

Unnið er að endurskoðun á öllu innra mati skólans þar með talið nemendakönnunum sem hafa skírskotun í grunnþætti menntunar og fjölbreyttara mati.

4. Auka kynningarstarf á starfsemi skólans til muna.

Sækja grunnskóla á Vesturlandi heim, með áherslu á kynningu á iðn- og verknám.

Vinna að hugmyndum um hvernig betur má ná til foreldra/forráðamanna varðandi námsval nemenda og hvernig betur má ná til fullorðinna einstaklinga í iðn- og starfsnámi varðandi nám með vinnu, eftir því sem reglugerð um innritun leyfir.

Farið var með kynningar á skólanum, með áherslu á iðn- og verknám, í alla grunnskóla á Vesturlandi auk skóla á Kjalarnesi, Mosfellsbæ, Grafarvogi og nágrenni. Einnig fóru fulltrúar skólans á foreldrakynningu og fulltrúar verknámsdeilda fóru í kynningar í fyrirtækjum. Skólinn var með opið hús fyrir nemendur og forráðamenn í mars. Auglýsingar um námsframboð voru birtar í blöðum sem dreift er á Vesturlandi.

5. Stuðla að jafnara kynjahlutfalli nemenda skólans með því að bjóða fjölbreyttara námsframboð.

Kanna áhuga nemenda í samvinnu við grunnskóla á svæðinu. Unnið var að gerð könnunar sem leggja á fyrir grunnskólanemendur á Akranesi á haustönn 2016. Hugað var að fjölbreyttara námsframboða við gerð nýrra bóknámsbrauta m.a. með opinni stúdentsbraut sem gefur möguleika á enn fjölbreyttara námi í framtíðinni.



4. Umbótaþættir eftir sjálfsmat

Mat á starfi skólans var unnið á árinu samkvæmt áætlun og voru eftirtaldir þættir skólastarfsins teknir til skoðunar:

- Kennsla hjá þriðjungi kennarahópsins
- Námsárangur, skólasókn og nemendafjöldi
- Nýting á kennslu og brottfall
- Viðhorf útskriftarnema til skólagöngunnar

Störf sextán kennara metin á árinu 2015 og fóru viðkomandi kennarar í viðtal við skólameistara á árinu 2015. Í þeim viðtölum voru viðbrögð á starfi einstakra kennara rædd við þá persónulega en ekki birt opinberlega.

Námsframboð og skipulag kennslu á hverri önn tekur mið af niðurstöðum mats á námsárangri, nemendafjölda, nýtingu á kennslu og brottfalli.

Lögð var fyrir útskriftarnema viðhorfskönnun eins og undanfarnar annir. Niðurstöður sýna ánægju útskriftanema með skólabraginn hér í FVA. Þeir hefðu getað verið virkari í félagslífi NFFA.

Heildarskýrslu um innra mat á starfi skólans var síðast skilað til mennta- og menningarmálaráðuneytisins í september 2014. Skýrslan liggur frammi á vefnum http://www.fva.is/images/innramat/sjalfsmatsskyrsla_fva_2014.pdf

Skýrsla fyrir 2015 er í lokavinnslu og verður komin á vef skólans fyrir annarlok.



FJÖLBRAUTASKÓLI
VESTURLANDS

5. Úttektir

Ekki voru unnar neinar formlegar úttektir á starfi skólans á árinu 2015.

6. Afkoma, rekstrarstaða

Rekstur skólans gekk mjög vel á árinu 2015. Hagnaður skólans á árinu 2015 var 26,1 millj. kr. samanborið við tap á árinu 2014 að fjárhæð 4,2 millj. kr.

Uppsafnaður rekstrarhalli skólans hefur verið greiddur upp og er eigið fé skólans orðið jákvætt í árslok 2015, sem nemur 4,9 millj. kr. Greiðslustaða (skuld) skólans við ríkissjóð lækkaði um 27,9 millj. kr. á árinu 2015.

Sértekjur skólans á árinu 2015 námu 43,6 millj. kr. samanborið við 46,7 millj. kr. árið 2014.

Framlag úr ríkissjóði til skólans nam 602,9 millj. kr. á árinu 2015, samanborið við 496,9 millj. kr. á árinu 2014. Gjöld skólans á árinu 2015 námu 620,4 millj. kr., en á árinu 2014 voru gjöldin 547,9 millj. kr.

Í árslok 2015 námu eignir skólans 40,2 millj. kr. og skuldir 35,3 millj. kr.

Rekstraráætlun fyrir árið 2015 gerði ráð fyrir 8,0 millj. kr. hagnaði á rekstri skólans, en rauntölur urðu 26,1 millj. kr. í hagnað.

Nánari greinargerð fyrir afkomu skólans á árinu 2015 er fylgiskjali 1

7. Brottfall og námsárangur

Brottfall á vorönn 2015 var 3,0% eininga sem er betra en vorið 2014 þegar það var 6,0% og vorið 2013 þegar það var 6,6%. Á vorönn 2014 voru nemendur að meðaltali skráðir í 16,17 einingar og náðu að meðaltali að ljúka 14,6 einingum með fullnægjandi árangri. Meðaleinkunn í skólanum var 6,7.


Brottfall á haustönn 2015 var 4,0% eininga sem er svipað og á haustönn 2014 þegar það var 4,4% og haustið 2012 þegar það var 4,6. Ekki er hægt að taka meðaltal eininga þar sem nemendur á haustönn 2015 voru með blandaða ferla bæði samkvæmt nýrri og eldri námskrá og því bæði með gamlar og nýjar einingar. Meðaleinkunn í skólanum var 7,04.



8. Stjórnun

Að yfirstjórn skólans koma, auk skólameistara, aðstoðarskólameistari, áfangastjóri og fjármálastjóri. Einnig gegna átta kennarar stöðum deildarstjóra og hafa umsjón með faglegu samráði í grein eða greinaflokki.

Skipurit Fjölbrautaskóla Vesturlands



Skólanefnd Fjölbrautaskóla Vesturlands hélt fundi fjórum sinnum á árinu 2015. Fundargerðir skólanefndar liggja frammi á vef skólans á síðunni

http://www.fva.is/index.php?option=com_content&view=article&id=404&Itemid=523.

Þann 30. apríl 2013 var skipuð ný skólanefnd til fjögurra ára sem hér segir:

- Aðalmenn án tilnefningar eru: Dagbjört Guðmundsdóttir, Reynir Þór Eyvindsson og Thelma Hrund Sigurbjörnsdóttir.
- Aðalmenn tilnefndir af fulltrúaráði Fjölbrautaskóla Vesturlands fyrir hönd sveitarfélaga eru: Helena Guttormsdóttir og Hjördís Hjartardóttir.
- Varamenn án tilnefningar eru: Hjördís Garðarsdóttir, Sigríður Víðis Jónsdóttir og Viktor Elvar Viktorsson.
- Varamenn tilnefndir af fulltrúaráði Fjölbrautaskóla Vesturlands fyrir hönd sveitarfélaga eru: Anna María Þórðardóttir og Þórdís Þórisdóttir.

9. Samvinna við aðrar stofnanir

Á haustönn 2013 gerðist skólinn aðili að Fjarmentaskólanum sem er samstarfsvettvangur tólf framhaldsskóla utan Reykjavíkursvæðisins.

Skólinn hefur samstarf og samráð við Fjölbrautaskóla Suðurlands og Fjölbrautaskóla Suðurnesja meðal annars við gerð skólanámskrár.

Skólinn er aðili að Símenntunarmiðstöðinni á Vesturlandi og á fulltrúa í stjórn hennar. Hann hefur samráð og samstarf við Símenntunarmiðstöðina um ýmislegt sem lýtur að fullorðinsfræðslu. Stærstu samvinnuverkefni á síðasta ári voru við Stóriðjuskóla Norðurlands.

Skólinn hefur ýmislegt samstarf og samráð við grunnskóla á Akranesi og í Hvalfjarðasveit og býður upp á kennslu í verklegum greinum fyrir nemendur í efstu bekkjum grunnskóla.



FJÖLBRAUTASKÓLI
VESTURLANDS

Engin Erasmus samstarfsverkefni voru árið 2015-2016 en kennarar í málmiðnaði voru styrktir til að sækja námskeið í Þýskalandi í stýrikerfum, CAD og fleiru.

Eitt erlent samstarfsverkefni er þennan vetur, skólinn fékk EEA styrk fyrir umhverfis- og sjálfbærni-verkefni með skóla í Slóvakíu. Verkefnið var einnig styrkt af slóvakíska ríkinu.

10. Sérstakar áherslur og markmið skólans

Skólinn leggur áherslu á að koma til móts við þarfir allra íbúa svæðisins fyrir menntun á framhaldsskólastigi með því að bjóða fjölbreytt nám á mörgum brautum, sem hæfir nemendum með misjafna getu, margvísleg áhugamál og ólíkar þarfir.

Í drögum að almennum hluta skólanámskrár sem kom út í júní 2014 eru skólanum sett þrjú meginmarkmið sem síðan eru útfærð nánar m.a. með vísun í sex grunnþætti menntunar samkvæmt aðalnámskrá frá 2011. Þessi þrjú meginmarkmið eru að:

- *Veita öllum nemendum góða menntun sem felur í sér þekkingu, leikni og hæfni í einstökum greinum, víðsýni og gagnrýna hugsun, ábyrgð og sanngirni, vandvirkni og góð vinnubrögð.*
- *Vera umhyggjusamur um velferð nemenda og stuðla að heilbrigðum lífsháttum.*
- *Bera virðingu fyrir hverjum einstaklingi og koma fram við alla í anda jafnréttis og lýðræðis.*

Fylgiskjöl

1. Rekstraryfirlit fyrir árið 2015.
2. Annáll vorannar 2015.
3. Annáll haustannar 2015.
4. Prófill haustannar 2015.

Akranesi 2016

Ágústa Elín Ingbórsdóttir
skólameistari

Dröfn Viðarsdóttir
aðstoðarskólameistari



FJÖLBRAUTASKÓLI
VESTURLANDS

Fylgiskjal 1 með ársskýrslu Fjölbrautaskóla Vesturlands 2015: Rekstraryfirlit fyrir árið 2015

	2015	2014	2013
Dagvinna	313.481.392	260.872.893	253.820.468
Vaktaálag	2.062.020	2.093.473	2.104.779
Aukagreiðslur	4.475.017	5.418.656	1.131.790
Yfirvinna	81.148.061	73.009.203	64.305.787
Launatengd gjöld	97.538.921	83.369.413	78.896.511
Samtals	498.705.411	424.763.638	400.259.335
Fundir, námskeið og risna	1.227.337	893.231	1.333.885
Ferða og dvalarkostnaður innanlands	148.620	255.540	232.564
Ferða og dvalarkostnaður erlendis	424.672	924.782	1.612.516
Akstur	1.622.825	1.463.426	1.235.878
Samtals	3.423.454	3.536.979	4.414.843
Tímarit, blöð og bækur	833.779	690.831	766.538
Skrifstofuvörur og áhöld	2.387.073	5.379.808	3.920.002
Aðrar vörur	13.333.032	12.845.747	11.560.101
Samtals	16.553.884	18.916.386	16.246.641
Önnur sérfræðiþjónusta	4.669.757	2.896.477	5.721.341
Tölvu- og kerfisfræðiþjónusta	1.886.819	1.854.311	1.783.370
Prentun, póstur, augl., flutningar	1.858.976	1.857.209	1.469.845
Sími og ýmis leigugjöld	3.162.649	2.971.178	2.716.568
Samtals	11.578.201	9.579.175	11.691.124
Verkkaup og byggingavörur	555.751	1.802.462	482.583
Rafmagn og heitt vatn	9.151.976	7.809.505	8.768.923
Húsaleiga og aðk. ræsting	77.676.564	75.888.581	73.515.096
Samtals	87.384.291	85.500.548	82.766.602
Verkstæði og varahlutir	228.506	371.810	273.215
Samtals	228.506	371.810	273.215
Vextir, bætur, skattar	389.306	195.773	619.491
Eignakaup	2.110.377	5.009.231	2.685.323
Tilfærslur	23.500	0	5.096
Samtals	2.523.183	5.205.004	3.309.910
Heildarkostnaður	620.396.930	547.873.540	518.961.670
Sértekjur	-36.933.119	-40.461.640	-44.673.942
Aðrar rekstrartekjur	-6.623.750	-6.232.500	-7.382.692
Framlag ríkissjóðs	-602.969.597	-496.933.193	-468.245.018
Heildartekjur	-646.526.466	-543.627.333	-520.301.652
Mismunur á útgjöldum og tekjum:	-26.129.536	4.246.207	-1.339.982



FJÖLBRAUTASKÓLI
VESTURLANDS

Fylgiskjal 2 með ársskýrslu Fjölbrautaskóla Vesturlands 2015:

Annáll vorannar 2015

Kennsla á vorönn 2015 hófst þriðjudaginn 6. janúar. Kennslu lauk miðvikudaginn 29. apríl og síðustu próf voru haldin 18. maí. Önninni lýkur svo þegar skólameistari slítur þessari samkomu og þeir 56 nemendur sem nú útskrifast hafa fengið skírteini sín afhent.

Í febrúar voru nemendur Fjölbrautaskólans 484 talsins en í fyrra voru þeir 520. Skýrist það m.a. af stórrí útskrift fyrir síðustu jóla.

Eldri nemendur eru tæp 20% nemenda skólans sem er nokkuð færri en undanfarnar annir, munar þar mestu um stóran hóp sjúkraliða sem útskrifaðist um síðustu jóla, stærsti hluti fullorðinna nemenda er í svokölluðu dreifnámi. Dreifnámsnemendur eru í fjarnámi en mæta í skólann nokkrum sinnum á önninni, gjarnan á kvöldin og um helgar. Þannig getur fólk sótt skóla en jafnframt stundað vinnu. Dreifnámið hefur einnig gert fólk sem býr utan Akraness mögulegt að ljúka námi þó það sé komið yfir hefðbundinn skólaaldur og sé í fullri vinnu í sinni heimabyggð. Næsta haust verður boðið uppá nám í vélvirkjun, húsasmíði, húsgagnasmíði, sjúkraliðanámi og meistaranámi í dreifnámi

Fjöldi nemenda 16 til 20 ára er svipaður og verið hefur. Karlar eru 60% nemenda en konur 40%. Það eru aðeins fleiri konur en karlar á stúdentsbrautum en karlar eru í miklum meirihluta í iðnnáminu og konur í sjúkraliðanámi.

Nú í lok vorannar láta fimm kennarar af störfum en það er þeir Jens Baldursson aðstoðarskólameistari, Bjarnþór Kolbeins deildarstjóri í stærðfræði, Jón Árni Friðjónsson sögukennari, Margrét Þorvaldsdóttir og Þuríður Elfa Jónsdóttir kennarar á starfsbraut. Er þessum starfsmönnum færðar þakkir fyrir störf þeirra við skólann. Marta Dögg Pálmadóttir kennari á starfsbraut kemur úr leyfi á næstu önn og Gunnar Magnússon verður í námsleyfi á næsta skólaári. Hafdís Fjóra Ásgeirsdóttir lætur af störfum aðstoðarskólameistari nú í sumar en Hafliði Páll Guðjónsson hefur verið ráðinn aðstoðarskólameistari frá 1. ágúst næst komandi. Ágústa Elín Ingbórsdóttir tók við starfi skólameistara 1. janúar síðast liðinn.

Opnir dagar og árshátíð voru haldin í mars sem og stærðfræðikeppnin fyrir grunnskóla.

Nemendur tíundu bekkja Brekkubæjarskóla, Grundaskóla og Heiðarskóla heimsóttu okkur í febrúar og fengu leiðsögn um skólann í fylgd nemenda Fjölbrautaskólans. Kynningin tókst vel og eru nemendum okkar sem tóku þátt í þessu færðar þakkir fyrir þeirra framlag. Opið hús var haldið í febrúar þar sem nemendur og forráðamenn gátu komið og kynnt sér skólann. Auk þess fór skólameistari ásamt nemendum í kynningaferðir í grunnskóla á Vesturlandi.

Gettu betur lið skólans, þau Anna Eze, Elmar Gísli Gíslason og Jón Hjörvar Valgarðson gerði það gott á önninni og komust alla leið í undanúrslit.

Leiklistarklúbburinn setti upp leikritið Grease, þetta var flott sýning sem sló öll aðsóknarmet.



FJÖLBRAUTASKÓLI
VESTURLANDS

Sævar Snorrason keppti fyrir hönd NFFA í söngvakeppni framhaldsskólanna sem fram fór í apríl.

Nemendur tóku þátt í Morfís en okkar lið var skipað þeim Elvari Gísla Gíslasyni, Vigdís Erlu Sigmundsdóttur, Ólafi Vali Sigurðssyni og Starra Reynissyni.

Nemendur á starfsbraut tóku þátt í hæfileikakeppni starfsbrauta.

Linda María Rögnvaldsdóttir og Þorri Líndal Guðnason fóru fyrir hópi nemenda við FVA sem tóku þátt í landskeppni ungra vísindamanna með verkefnið „Aðgengi ungmenna að tóbaki“. Þau lentu þar í þriðja sæti.

Aðalstjórn nemendafélagsins nú á vorönn var skipuð eftirtöldum nemendum: Þorsteinn Bjarki Pétursson kjörinn formaður og með honum í stjórn voru Aldís Rós Hrólfsdóttir, Elínborg Egilsdóttir, Heiðmar Eyjólfsson, Sindri Snær Alfreðsson og Björn Ingi Bjarnason.

Á þessari önn voru eftirtaldir nemendur í forsvari fyrir klúbba nemendafélagsins: Elmar Gísli Gíslason fyrir Viskuklúbb, Þorri Líndal Guðnason fyrir Ljósmyndaklúbb, Heiðmar Eyjólfsson, Helgi Sigurðsson og Sindri Snær Alfreðsson fyrir Tónlistarklúbb, Atli Víkar Ingimundarson og Jón Hjörvar Valgarðsson fyrir Íþróttaklúbb, Þorsteinn Bjarki Pétursson og Heiðmar Eyjólfsson fyrir leiklistarklúbb og Kristinn Gauti Gunnarsson fyrir kvikmyndaklúbb.

Við þökkum nemendum fyrir vel unnin störf að félagsmálum.

Ný stjórn nemendafélagsins fyrir næsta skólaár var kosin í apríl. Formaður fyrir næsta skólaár var kjörinn Sævar Berg Sigurðsson. Með honum í stjórn verða Finnur Ari Ásgeirsson, Jón Hjörvar Valgarðsson, Linda María Rögnvaldsdóttir og Magðalena Lára Sigurðardóttir. Sjötti stjórnarmaður verður kjörinn úr hópi nýnema í ágúst.

Á þessari önn hefur mikil vinna farið fram við skipulagningu nýrra námsbrauta, því eins og flestir framhaldsskólar landsins bjóðum við upp á þriggja ára stúdentsbrautir næsta haust. Á næsta ári verða námsbrautir til iðn- og starfsnáms endurskoðaðar. Ein af þeim nýjungum sem teknar verða upp í haust er afreksíþróttasvið þar sem þeim nemendum sem stunda íþróttir gefst kostur á að æfa sína íþrótt að hluta til á skólatíma, einnig er skólinn í viðræðum við Tónlistaskóla Akraness um aukið samstarf og stuðning við þá nemendur sem vilja ná langt á tónlistarsviðinu.

Læt ég nú lokið annál vorannar 2015 og óska ykkur sem útskrifist frá skólanum til hamingju með þann áfanga sem þið hafið nú náð. Þið megið vera stolt af því að hafa lokið námi við Fjölbrautaskóla Vesturlands og við sem hér störfum erum stolt af ykkur og því sem þið vinnið gott í framtíðinni.

Dröfn Viðarsdóttir



FJÖLBRAUTASKÓLI
VESTURLANDS

Fylgiskjal 3 með ársskýrslu Fjölbrautaskóla Vesturlands 2015:

Annáll haustannar 2015

Fjölbrautaskóli Vesturlands var settur þriðjudaginn 18. ágúst. Þá fengu nemendur afhentar stundaskrár. Regluleg kennsla hófst svo miðvikudaginn 19. ágúst. Síðasti kennsludagur á önninni var 3. desember. Önninni lýkur þegar skólameistari slítur þessari samkomu og þeir 60 nemendur sem nú ljúka námi hafa verið brautskráðir frá skólanum.

Í upphafi annar var 551 nemandi skráður í skólann. Þetta er svipaður fjöldi og á síðustu haustönn. Fullorðnir nemendur er stór hluti okkar nemenda, 80 nemendur eða um 14% nemenda við skólann stunda svokallað dreifnám, það er nám utan hefðbundins dagvinnutíma. Þessir nemendur stunda nám á sjúkraliðabraut, í húsasmíði og í vélvirkjun. Þess má geta að nýr hópur sjúkraliðanema byrjaði nú í haust. Þessum nemendum kemur til með að fjölga á næstu önn þegar um 30 iðnaðarmenn hefja nám til iðnmeistaraprófs.

Af nemendum skólans eru 60% karlar og 40% konur. Það eru þó fleiri konur en karlar á stúdentsbrautum en karlar eru í meirihluta í iðnnámi og konur í sjúkraliðanámi.

Brottfall var um 4% sem er svipað og á undanförunum önnum. Þótt okkur þyki þetta of mikið er þetta frekar lítið samanborið við aðra framhaldsskóla.

Eftirfarandi breytingar urðu á starfslíði skólans á önninni: Hafliði Páll Guðjónsson lét af störfum aðstoðarskólameistara í september og hefur Dröfn Viðardóttir verið ráðin aðstoðarskólameistari frá 1. janúar næstkomandi. Jónína Halla Víglundsdóttir hefur verið ráðin áfangastjóri tímabundið á vorönn 2016. Margrét Þóra Jónsdóttir er í barneignaleyfi á þessari önn og Gunnar Magnússon er í námsleyfi. Guðmundur Ásgeir Sveinsson, gæslumaður á heimavist hætti störfum í haust og Bára Kolbrún Guðmundsdóttir starfsmaður á kaffistofu kennara lét af störfum í lok nóvember. Kári Haraldsson fjármálastjóri hætti störfum í ágúst þegar Guðrún Lind Gísladóttir kom til baka úr barneignaleyfi. Eru þessum starfsmönnum færðar þakkir fyrir störf þeirra við skólann.

Í apríl á þessu ári voru kosningar nemendafélagsins. Sævar Berg Sigurðsson var þá kosinn formaður nemendafélagsins. Með honum í stjórn verða Finnur Ari Ásgeirsson, Jón Hjörvar Valgarðsson, Linda María Rögnvaldsdóttir, Magðalena Lára Sigurðardóttir í ágúst bættist svo Einar Björn Þorgrímsson fulltrúi nýnema í hópinn.

Meðal nýjunga á þessari haustönn var stofnun íþróttafrekssviðs við skólann. Þeim sem eru á þessu sviði gefst kostur á að stunda íþróttæfingar, í sinni grein, tvisvar í viku milli kl. 8 og 9:30. Auk þess er boðið upp á þrekæfingar einu sinni í viku og bóklega fræðslu einu sinni í viku. Þetta verkefni er unnið í samstarfi við Íþróttabandalag Akraness og Akraneskaupstað.

Skólastarf haustannar hefur verið með hefðbundnum hætti. Við byrjuðum á hefðbundnum nýnemadegi, ferð í Fannahlíð og Langasandssprelli.

Í september fengum við Önnu Láru Steindal til að halda fyrirlestur og ræða við nemendur um málefni flóttamanna.



FJÖLBRAUTASKÓLI
VESTURLANDS

Einnig fengum við starfsmann Samgöngustofu með fyrirlestur fyrir nemendur, um umferðarmenningu.

Í október kom forseti Íslands, Ólafur Ragnar Grímsson, í heimsókn í skólann í tilefni forvarnardags. Skoðaði forsetinn skólann og ræddi við nemendur.

Við tókum þátt í átakinu „Hjólum í skólann“ í september og urðum þar í öðru sæti.

„West Side“ var haldið á önninni en þar hittast nemendur úr framhaldsskólunum á Vesturlandi. West Side byrjaði á íþróttamóti, síðan tók við spurningakeppni og dansleikur um kvöldið. Þess má geta að við unnum mótið í þetta sinn.

Á haustönn 2015 var í annað sinn boðið upp á áfangann „Evrópa menning og mannlíf“. Í þeim áfanga fara nemendur í námsferð til Berlínar ásamt kennara sínum Kristínu Kötterheinrich þýskukennara.

Í nóvember komu komu 20 slóvaskir framhaldsskólanemar í heimsókn til okkar og voru hér í 10 daga. Nemendur FVA tóku á móti þeim. Verkefnið er styrkt af EFTA og slóvönskum stjórnvöldum og er ætlað að auka skilning ungs fólks á mikilvægi sjálfbærni á öllum sviðum samfélagsins.

Ýmislegt fleira gerðist á önninni; haldnir voru dansleikir, kaffihúsakvöld og fleiri samkomur nemenda. Skammhlaup fór fram í nóvember en það er keppni þar sem öllum nemendum skólans er skipt í 8 lið sem keppa innbyrðis. Það voru að venju útskriftarnemar sem voru liðsstjórar og stjórnðu þau sínu fólki af röggsemi. Á næstsíðasta kennsludegi annarinnar var jólaþema þar sem nemendur og kennarar mættu í jólaþeysum, með jólasveinahúfur eða annað sem minnti á jólin.

Þrátt fyrir neikvæða umfjöllun í fjölmiðlum á önninni kjósum við að horfa á jákvæðar fréttir og af þeir er líka nóg. Ein af þeim er samantekt mennta- og menningarmálaráðuneytið um hlutfall nemenda eftir skólum, sem hófu nám í framhaldsskólum 16 ára árið 2007 og hafa útskrifast sex árum síðar. Þar kom Fjölbrautaskóli Vesturlands mjög vel út, við vorum langt á undan sambærilegum skólum og rétt á hælum þeirra skóla sem velja sér inn nemendur. Það segir okkur að nemendur okkar eru bæði ábyrgir og vinnusamir.

Ég óska ykkur sem útskrifist frá skólanum til hamingju með þann áfanga sem þið hafið náð. Þið megið vera stolt af að hafa lokið námi við Fjölbrautaskóla Vesturlands og við sem hér störfum erum stolt af ykkur.

Dröfn Viðarsdóttir



FJÖLBRAUTASKÓLI
VESTURLANDS

Fylgiskjal 4 með ársskýrslu Fjölbrautaskóla Vesturlands 2015: Upplýsingar um skólann þ.e. „prófill“

Stærð skóla, fjöldi nemenda og starfsmanna: Fjölbrautaskóli Vesturlands er með um 480 nemendur og 63 starfsmenn í alls um 55 stöðugildum. Skólinn starfar í um 7.330 m² húsnæði auk rúmlega 1.250 m² heimavistar. Ársnemendur samkvæmt fjárlögum fyrir 2014 – 2015 eru 483. Á árinu 2015 skilaði skólinn 450 ársnemendum.

Námsframboð: Um miðjan október 2015 voru 542 nemendur í skólanum og voru það nokkuð færri nemendur en á haustönn 2014. Þeir skiptust á brautir sem hér segir:

Almenn braut - fornám	AF	6 = 1%
Almenn braut - undirbúningsnám	AU	14 = 3%
Brautabré	BB	27 = 5%
Almennt nám alls		47 = 9%
Félagsfræðabraut	FÉ	108 = 20%
Félagsfræðabraut (3. ára braut)	FÉL	14 = 3%
Málabraut	MB	15 = 3%
Náttúrufræðibraut	NÁ	78 = 14%
Náttúrufræðibraut (3. ára braut)	NÁT	39 = 7%
Opin stúdentsbraut (3. ára braut)	OS	24 = 4%
Viðbótarnám til stúdentsprófs	VSS	9 = 2%
Stúdentsnám alls		287 = 53%
Grunnnám rafiðna	GR	44 = 8%
Grunnnám bygginga- og mannvirkjagreina	GBM	23 = 4%
Námsbraut í rafvirkjun	RK8	9 = 2%
Almennt tækninám	AT	7 = 1%
Námsbraut í húsasmíði	HÚ8	18 = 3%
Grunnnám málmiðna	MG	40 = 8%
Námsbraut vélavirkjun	VS8	12 = 2%
Iðnnám alls		153 = 28%
Starfsbraut	ST4	17 = 3%
Starfsbraut alls		17 = 3%
Sjúkraliðabraut	SJ	31 = 6%



FJÖLBRAUTASKÓLI
VESTURLANDS

Framkvæmd markmiða: Unnið var eftir skólasamningi undirrituðum í apríl 2015. Skólinn var samstarfsaðili að Stóriðjuskóla Norðurláls og í upphafi hverrar annar lá fyrir námsframboð og kennslufyrirkomulag eins og stefnt var að. Skólinn var og er þátttakandi í samráðsvettvangi og verkefnastjórn vegna *Tilraunaverkefnis um hækkad menntunarstig í Norðvesturkjördæmi*.

Umbótaþættir eftir sjálfsmat: Við skólann fer fram heildstætt innra mat á öllum helstu þáttum skólastarfsins. Niðurstöður matsins birtast á vef skólans jafnóðum og þær liggja fyrir. Heildarskýrsla um innra mat á starfi skólans var síðast skilað til ráðuneytis í september 2014. Heildarskýrsla fyrir 2015 verður birt á heimasíðu skólans fyrir annarlok.

Úttektir: Engar úttektir voru gerðar á starfsemi skólans á árinu 2015.

Afkoma, rekstrarstaða: Rekstur skólans gekk mjög vel á árinu 2015. Hagnaður skólans á árinu var 26,1 millj. kr. samanborið við tap á árinu 2014 að fjárhæð 4,2 millj. kr. Uppsafnaður rekstrarhalli skólans hefur verið greiddur upp og er eigið fé skólans orðið jákvætt í árslok 2015, sem nemur 4,9 millj. kr. Greiðslustaða (skuld) skólans við ríkissjóð lækkaði um 27,9 millj. kr. á árinu 2015.

Brottfall: Brottfall á vorönn 2015 var 3,0% og 4,0% á haustönn 2015.

Stjórnun: Að yfirstjórn skólans koma, auk skólameistara, aðstoðarskólameistari, áfangastjóri og fjármálastjóri.

Samvinna við aðra: Skólinn hefur samstarf og samráð við Fjölbrautaskóla Suðurlands, Fjölbrautaskóla Suðurnesja og Símenntunarmiðstöðina á Vesturlandi. Hann tekur þátt í að starfrækja Stóriðjuskóla í samvinnu við Símenntunarmiðstöðina á Vesturlandi og Norðurlál ehf. Skólinn hefur líka samvinnu og samráð við grunnskóla á Akranesi og í Hvalfjarðarsveit og býður upp á kennslu í verklegum greinum fyrir nemendur í efstu bekkjum grunnskóla.

Sérstakar áherslur/sérsvið skólans: Skólinn leggur áherslu á að koma til móts við þarfir allra íbúa svæðisins fyrir menntun á framhaldsskólastigi með því að bjóða fjölbreytt nám á mörgum brautum sem hæfir nemendum með misjafna getu, margvísleg áhugamál og ólíkar þarfir.